







cm

1

2

3

4

5

6

7

8

9

cm

1

2

3

4

5

6

7

8

9

10

11

12

13


14


15

N. 48.

coll. sc.

Sc. 8: 1593





cm

1

2

3

4

5

6



7

8

9

cm 1
2
3
4
5
6
7
8
9

15
14
13
12
11
10
9
8
7
6
5
4
3
2
1



Natura Sc 80 - 1593

Chorographia
SCANDINAVIÆ,

SIVE

DESCRIPTIO
VETUSTISSIMA REGIO-
num & populorum Aquilona-
rium, Sueciæ, Daniæ &
Norwegiæ,

per venerabilem virum

n. 48.

ADAMVM, Bremensis Ecclesiæ
Canonicum, anno M. L X II. nem-
pe ante D. XL. elaborata;

ph. Genoveſe Nunc verò Parisi. 1734

JOHANNE MESSENIQ,
in patriæ emolumentum & ornamentum,
fideliter revisa, atque separatim ab ejus-
dem Authoris Chronico Eccle-
siastico publicata.


• 60 •

HOLMIAE
CVM GRATIA REGIA,
Typis Reußnerianis, anno

CIC. XC.

cm 1 2 3 4 5 6 7 8 9

cm





cm
1
2
3
4
5
6
7
8
9
10
11
12
13
14
15

NOBILI ET GENEROSO
in primis Domino,

DN. IACOBO PONTI,
DE LA GARDIE,

REIGNIS VECICI CONSILIARIO,
& generali exercitus in bello
Moschovitico Ductori,
& Archistratig:
tego:

Necnon

LIBERO BARONI DE ECHOLM,
& Domino de Kolcha, ac
Rundzoo,

Domino & Mæcenati suo
plurimū colendo, ob-
servandoq;

PRAEFATIO.

Salutem & felicitatem.

Admiranda profectò virtutis efficacia, Victoriōse Domine Archistrategē, generose Domine Baro, ut potè indefesso callis sui sectatori, in animis Morealium, nec de conversatione, nec de facie notorum, plurimisq; regionum spaciis disfitorum, singulares amoris igniculos accēdens atq; concilians. Vnde etiā factū est, ut māvortia Amplitudinis tue virtus, quæ suffragio Marci Tullij, reliquarum Domina, pro Mu-
lito annorum decursu, quā bello Livonico, rēna.
quā nūne potissimum Moschovitico, mani-
festis documentis & frequentibus trophyis
demonstrata, indēq; pernicibus orbem propè
universum pennis per vagata, eternos amo-
ris & honoris A. T. apud ignoratos & remo-
zos mundi accolas statuerit colossos, hac epigra-
phē inaratos:

I bone, qud virtus te vocat, i pede fausto, Horat.

Grandia laturns meritorum præmia: Quid stas? lib. 2. Ep.

Atq; ut copiosior celebrandæ A. T. materies
iphs porrigeretur, coro belli Moschovitici

A 2 hæc

cm
1
2
3
4
5
6
7
8
9
10
11
12
13
14
15

PRÆFATIO.

bactenus ab A. T. pro natalis soli gloria,
sub auspicio serenissimi potentissimiq; Gu-
stavi Secundi, Suecorum Gothorumq; regis
victoriosissimi, Domini nostri clementissi-
mi, feliciter gesti, probius innotescente con-
textu, illorum non pauci mecum per litteras,
& internuncios crebro amiceq; in primis e-
gerunt, ut illam belli telam in me susciperem
illis retexendam; Quorum sane plausibili
voto, partim amore patriæ, partim etiam
obseruantia erga A. T. provocatus, lubens
dudum respondisse, nisi victoriæ hujus mo-
di non sat gnarus, porius silendum, quam mi-
nus perspecta scribendum, decrevissem: Si-
quidem testimonio celeberrimi viri Grynei,

In præf. Historicus sit interpres rerum gestarum,
ad Plau. cuius relatio & judicium si vitio laboret,
perinde sit, ut cum vinum ex se generosum
& nobile, graveolentiam vel ex vase con-
trahit, vel alioquin lenocinio depravatur;
Quæ res vel impostura, vel inscitia maxi-
ma & intoleranda est. Nequaquam verè
perpes mihi silentium hac ex parte impera-
veram, bac ratione belli hujus notitiâ, ho-
mines illius cupidissimos inique defraudan-
do; Sed usq; dūm A. T. nobis sana & incolu-
mū

P R A E F A T I O.

mis restituta, mibi copiosissimū victoriae sue
penū ulcrō recludens, certissimam juxta ac
amplissimam pugnæ Moschoviticæ messim
præberet colligendam:

Atqui cūm desiderio nostro Superi, A. T.
nuper ad nos reducendo, cumulatim satisfe-
cerint, meo quoq; nūc A. T. petitioni, & mul-
tarū nationū exspectationi locum assigna-
turam exoptatum, certo mihi certius per-
suadeo; Etenim, teste Ammiano Marcellino,
Nihil tam pulchrū, tamq; posteritatis me- lib. 17.
moris, justā ratione, mandandum, quām ut
miles strenuè factis exultet; Ac recordatio-
terum gloriōsē gestarum, omni jucundita-
te viris fortibus existat gratior. His autem
potius documētis, non tantū illud, quo fla-
grat hac tempestate Moschovia, bellū publi-
cæ sacrabo potestati; Sed superiora paululū
revolvens tempora, quæ potentissimi Sueco-
rum Gotchorūq; reges, Gustavus primus, Eri-
eus XIV. & Iohannes III. diuturna & acer-
rima, cum barbaro illo Moschorū populo glo-
riofissimè gesserint bella, uno quasi obitu
proponam contemplanda: Cui operi calamum
intencū invisabit occasio, plurima victoriosi

A 3.

parens

cm 1
2
3
4
5
6
7
8
9
10
11
12
13
14
15

PRÆFATI.

parentis tui Ponti De la Gardie, oncomia pariter delineandi, & nævos furcissimos ipsi prorsus immerenti, à Iacobo Typortio, homine impudentissimo, in quodam libello aspersos, veraci spongiâ detergendi: Quod lubenter ipsi officiū defero, ob præclarissima ipsius in patriam nostram merita, quorum memoria quoties animo meo occursat, toties sanè etiam tua mihi in mente ultrò veniunt, illorumq; collatione, ultrò cirroq; tacitè apud animum meum paulisper factā, illud Flacci procinūs ueriq; occino.

lib. 4.
oda 4.

Fortes creantur fortibus, & bonis:
Nec imbellem feroce
Progernerant aquila columbam.

Verum enim verò hæc documentorum amica communicatio, mihi A. T. de conversatione prorsus ignoto, suadens ad itū in primis sternendum, hoc libello, velut prodromo, & ex optata amicitia internuncio utendum censui. Qui his potissimum de causis, ex meo in lucem publicam prodie nunc Musæo, quæ plurimas, illasq; clarissimas gloriae Succanæ notas, ex remotissima nostratum memoria, & seculorum historia petitas, in Fastis tamen

Sue-

PRAEFATIO.

Suecorum & Gothorum hactenū usquā, ne
per nebula quidē conspectas, affatim commō-
stret: Ideoq; ab exteris, & præcipue Andrea
Velleio, Cymbriae Superintendente, per sum-
mam in Sueones invidiam suppressus: Quippè
anno M.D.LXXIX. Ecclesiasticam ejus-
dem M. Adami historiam Hafniae divul-
gans, hunc libellum, illi nodo quasi indissolu-
bili adhærentem expundit. verū postea,
hujus codicis jacturam, & malevoli hominis
naturam agnoscens, & detestans nobilissimus
beros Henricus Ranzovius, operâ Erpoldi
Lindenbruchij, anno M.D.XCV. publica-
vit, unā cum memorato chronicō, vetustissi-
mum Erpoldo, ad hoc negotium felicius expe-
diendum, communicans exemplar manuscri-
ptū, ex bibliotheca sua Bredenbergēsi: Quod
famosus rerum aquilonariū historiographus
Albertus Krancius, in concinnatione suæ
chronologie olim usus, vel potius protestante
adversus ipsum libri hujus concessu, abusus:
Neq; Ranzovius, ea propter libelli hujus pub-
licationi supersedendum ratus, quod nonnulla
subinde paradoxā, minus & quā quorundā
More calium, eo tempore de his regionibus co-

A + gnite

cm 1
2
3
4
5
6
7
8
9
10
11
12
13
14
15

P R A E F A T I O.

gnata relatione, commemoret, probè sciens,
candidiores vetustatis estimatores, eâ discre-
tione ipsius scrutari Sacraria, quâ expertissi-
mi Archiatris pratorū viridaria, probas car-
pendo, & improbas pertransiendo, vel potius
concultando herbulas, quarū alias ob impro-
bitatem, non satis prudenter amenissima uti-
lissimaq; camporum vireta devitarent.

Quamobrem, generoso Domine Baro,
hunc Codicillum, levidense observantiae mu-
nusculum, ex propensiōsimo tamen in A. T.
animo profectum & Dedicatum, quâ consue-
visti pectoris & oris alacritate, serenitateq;
acceptans, mihi aliquem, quanquam postre-
num, in Clientum & Amicorum tuorum nu-
meroso agmine, locum assignare non digne-
ris. Hisce Amplitudinem tuam, in pluri-
mos, illosq; faustissimes annos, divine protec-
tioni etiā atq; etiā commendō. Cursim
Holmiae ex meo Musæo, VII. Idus Martij,
anno salutis humanae, cl. I. sc. XV.

A. T.

Devotissimus

Iohannes Messenius.

I



CHOROGRAPHIA
SCANDINAVIÆ,

sive


DESCRIPTIO RÉGIO-
num Aquilonarium, Sueciæ, Daniæ,
& Norvegiæ, reliquarumq; adjacen-
tium nationum anti-
quissima.

Duodecim Rovincia Danorum ro-
ta ferè in insulas disperita est,
sicut etiàm legitur in gestis
Sancti Ansgarij. Hanc autem
Daniam, à nostris Nördalbin-
gls flumen Egdora dirimit, qui oritur in
profundissimo saltu paganorum Isarnho,
& extendit se curvè ad Sliam lacum. Cæterùm flumen Egdora
descendit usq; in Oceanum Fresonicum,
quem Romani scribunt Britannicum: Et

A s prima

2 CHOROGRAPHIA

prima quidem pars Daniz, quę lutland dicitur, ab Egdora in boream longitudine protenditur, habens iter tridui, si in Fynem insulam diverteris; Si autē à Sliafwig per directum viam metiris, quinque aut septem habes iter dierum. Hæc est strata Ottonis Cæsaris, usque ad mare novissimum Wendilæ, quod usq; in hodiernum diem, ex victoria Regis, Ottinsund appellatur. Latitudo lutland secus Egdoram diffusior est, indè verò paulatim contrahitur ad formam linguz, in eum angulum qui Wendila dicitur, ubi lutland finem habet. Ibi brevissimus in Nordmanniam transitus est. Ager ibi sterilis, præter loca flumini propinqua, omnia ferè deserta videntur; Terra salsuginis & vastæ solitudinis. Porrò cùm omnes tractus Germaniz profundis horreant saltibus, sola est lutland cæteris horridior, quæ in terra fugitur propter inopiam fructuum, in mari verò propter infestationem piratarum; Vix invenitur culta in aliquibus locis, vixq; humanae habitationi opportuna; Sicubi verò brachia maris occurunt, ibi civitates habet maximas. Hanc quondam regionem Cæsar Otto tributo subjiciens, in tres divisit Episcopatus, unum constitutus apud Sliafwig, quæ & Heithe-




Heitheby dicitur, quam brachium quoddam freti barbari alluit, quod Sliam vocant, unde & civitas nomen trahit. Ex quo portu naves emitti solent in Slavoniam, vel in Suediam, vel ad Semland, & usque in Græciam. Alterum in Ripa, quæ civitas alio tangitur alveo, qui ab oceano influit, & per quem vela torquentur usq; in Fresiam, vel in nostram Saxoniam, vel certè in Angliam. Tertium verò in Arhusen, & hanc fretum quoddam à Fyne dirimit brevissimum, quod ab orientali pelago ingrediens, longis anfractibus inter Fyne & Iutland protenditur in boream, usque ad eandem civitatem Arhusen, à qua navigatur in Fynem aut Seland, sive in Sconiam, vel usque in Norwegiam. Postea verò deficiente hoc Episcopatu, quem tertium posuimus, Iutland duos solummodò Episcopatus retinuit, Sliaswicensem videlicet ac Ripensem, donec nuper mortuo Wal: Ripensi Episcopo, diœcesis illa in quatuor discreta est Episcopatus, authoritatem suam præbente Archiepiscopo. Qui mox consecravit in Ripa Oddonem, in Arhusen Christianum, in Wiborg Heribertum, in Weadila Magnum, cui cùm post ordinationem rediret, in Albia naufrago subiit.

4 CHOROGRAPHIA

subrogavit Albericum. Hi quatuor Episcopi, tunc Ripensem, dono Suein regis, sortiti sunt parochiam. Archiepiscopus vero de suis clericis ordinavit in Sliaswige Ralofsum, in Seland Wilhelmum, in Fyne Elbertum, quem tradunt conversum à piratis. Farriam insulam, quæ in ostio fluminis Albiz longo recessu latet, in oceano primùm reperisse, constructoque ibi monasterio, fecisse habitabilem: Est enim feracissima, frugum ditissima, volucrum & pecudum nutrix: Collem habet unicum, arborem nullam: Scopulis includitur asper imis: Nullo aditu nisi uno, ubi & aqua dulcis, locus venerabilis omnibus nautis, præcipue verò piratis, undè nomen accepit, ut Heiligelant dicitur. Hanc in vita sancti Willebrordi, Foset island appellari didicimus, quæ sita est in confinio Danorum & Fresonum. Sunt & aliæ insulæ contra Fresiam & Daniam, sed nulla earum tam memorabilis.

Fyne insula est, non modica post eam quæ Wendila dicitur, in ostio Barbari sinus occurrens: Hæc adhæret regioni quæ Iutland dicitur, in quam brevissimus à Iutland est transitus ex omni parte; Civitas ibi magna Odansæ, insulæ in gyro parvulæ, omnes



SCANDINAVIAE.


omnes frugibus plenæ. Et notandum est, si per lutland in Fynem te tenderis, directo in septentrionem viam habes. At verò per Fynem transeunt ad Seland, oriens in faciem occurrit. Duo trajectus sunt in Seland, unus à Fyne, alter ab Arhusen, pari uterque distat spacio. Mare naturā tempestuosum, duplice plenum periculo, ut etiam si ventum habeas prosperum, vix effugias manus piratarum.

Seland insula est, in interiori sinu maris Baltici sita, quantitate maximâ. Hæc tam fortitudine virorum, quam opulentia frugum celeberrima, longitudinem habet bidui, cum latitudo ferè sit æqualis. Civitas ejus maxima Roschild, sedes Regis Danorum. Hæc insula æquali spacio distans à Fyne vel Sconia, per noctem transitur, habetque ab occidente Iutland, civitatem Arhusen, Aleburg & Wendilam; A borea verò ubi & deserta est, fretum Nordmanniæ; A meridie autem Fynem prædictam & sinum Slavonicum. Ab ortu quicquid respicit promontorium Sconiz, ubi est civitas Lundona; Aurum ibi plurimum, quod raptu congeritur piratico; Ipsi enim piratæ, quos illi Withingos appellant,

6 CHOROGRAPHIA

pellant, nostri Ascomannos, Regi Danico
tributum solvunt, ut liceat eis prædam
exercere à barbaris, qui circa hoc mare
plurimi abundant. Unde etiam contigit,
ut licentiā, quam in hostes acceperunt, sā-
pē abutantur in suos, adeò fide nullā utri-
que ad invicem sunt, & sine misericordia
quisque alterum, mox ut cœperit in jus fa-
militij, vel socio vendit, vel barbāo. Et
multa quidem alia, tām in legibus, quām
moribus & quo bonoque contraria Dani
habent, ex quibus nihil utile mihi visum
est ut dicerem, nisi quod mulieres, si con-
cupratæ fuerint, statim venduntur. Viri
autem, si vel regiæ Majestatis rei in ali-
quo fuerint scelere deprehensi, decollari
malunt, quām verberari. Alia non est ibi
species pœnæ, præter securim & servitu-
tem, & cum damnatus fuerit, lætum esse,
gloria est. Nam lacrymas & planctum, cæ-
teraque compunctionis genera, quæ nos
salubria censemus, ita abominantur Dani,
ut nec pro peccatis suis, nec pro charis de-
functis ulli flere liceat.

A Seland in Sconiam trajectus multi,
brevissimus in Halsingeburg, qui & videri
potest. Sconia verò est pulcherrima visu
Daniæ provincia, undè & dicitur; Armata
viris,




viris, opulenta frugibus, divesque mercibus, & nunc plena Ecclesijs. Sconia bis tantum habet in spacio, ut Selandia, hoc est, trecentas Ecclesijs, cum Seland dicatur habere dimidium; Fyne tertiam partem. Sconia insula est ultima ferè pars Danie, undique cincta mari, præter unum terræ brachium, quod ab oriente continens Sue diam disternat à Dania, ubi sunt profundus saltus, montesque asperissimi, per quos à Sconia in Gothiam necessariò iter agitur, ut dubites utrum sit levius marino discrimine terrestre periculum vitare, an istud illi præponere.

In eadem regione Sconiæ, nemo adhuc Episcopus fuit incardinatus, nisi quod ab alijs partibus quidam venientes, interdum illam procurabant diœcesin. Deinde Gerbrand Selandenensis Episcopus, & post eum Avoco, simul utramque gubernabant Ecclesiam. Nuper verò mortuus Avocone, rex Suein parochiam Sconensem in duos Episcopat° segregavit, unum, id est, Lundensem, Henrico tribuens, alterum, id est, Dalboensem Eginoni, verum istum ordinavit Archiepiscopus. Henricus autem apud Orchadas fuit antè Episcopus, isque in Anglia sacellanus regis.

Knut

Knut fuisse narratur; Cuius thesauros in
Daniam perferens, luxuriosè vitam exegit;
De quo narratur etiàm quòd pestiferà con-
sueitudine delectatus inebriandi ventris,
tandem suffocatus crepuit. Hoc & de
Avocone factum esse comperimus, simili-
terque de alijs. Egino vero cùm esset vir
sapiens & literatus, ac castitate insignis,
tunc etiàm totum studium ejus exarsit in
conversione paganorum. Quapropter
multos adhuc populos idolorum cultui
deditos, vir ille Christo lucratus est, illos
præfertim Barbaros, qui Pleichani dicun-
tur, & qui in Hulmo insula degunt; Qui
omnes ad ejus prædicationem conversi in
lachrymas, pœnitentiam sui erroris ita
monstraverunt, ut confractis statim idolis,
ultrò certarent ad baptismum properare.
Mox etiàm thesauros, & omnia quæ habe-
bant, sternentes ad pedes Episcopi, flagita-
bant ut hæc dignaretur accipere; Quæ re-
nuens Episcopus, docuit eos ex eadem
pecunia fabricare Ecclesias, egenos alere,
& redimere captivos, qui multi sunt in il-
lis partibus. Fertur idem vir magnani-
mus eo tempore, quo in Suediam persecu-
tio magna Christianitatis incanduit, Scara-
neniem Ecclesiam, cæterosque fideles, eò
quòd



SCANDINAVIAE.

quod pastore carebant, frequenter visitaſe, consolationem ministrans his qui in Christum crediderant, incredulis verbum Dei conſtanter annuncians, ibi etiam opinatissimum Fricconis ſimulachrum in fruſta concidit, pro quibus virtutum inſignibus, à Rege Danorū magno deinceps vir Dei honore habitus, defuncto mox pingui Henrico, utramq; Sconiæ parochiam, ſcilicet Lundensem & Dalboensem gubernandam recepit: Qui mox Lundæ ſedem Epifcopalem conſtituens, apud Dalboiam Præpoſituram Fratrum regulariter viven- tium eſſe præcepit. Itaq; duodecim annis in ſacerdotio nobiliter exactis clarissimus vir Egino à Romana regreſſus urbe, mox ut domum pervenit feliciter migravit ad Christum, eodem anno quo noster Metro- politanus ac Fynensis Epifcopus deceſſerunt.

Nunc autem qnoniam locorum ſe præ- buit occasio, ad rem pertinere videtur ali- quid de natura Baltici maris dicere, cujus freti mentionem cùm ſupra in gestis Adal- digi Pontificis ex scriptis Einhardi fece- ri, explanationis more utens, ea quæ ille per compendium dixit, pleniore calamo noſtris scienda proponam. Sinus quidam,


B

inquit,

10 CHOROGRAPHIA

inquit, ab occidentali Oceano versus orientem porrigitur, sinus ille ab incolis appellatur Balticus, idemq; mare Barbarum, seu pelagus Scythicum vocatur à gentibus quas alluit Barbaris. Occidentalis autem Oceanus ille videtur, quem Romani Britannicum scribunt, cuius latitudo imensa, terribilis & periculosa, ab occasu complectitur Britanniam, quæ nunc Anglia dicitur, à meridie Fretos tangit cum ea parte Saxoniæ, quæ nostræ diœcèsi pertinet Hamburgensi: A Solis ortu habet Danos, ostiumq; Baltici maris & Nordmannos, qui ultra Daniam consistunt: Ab aquiloni verò idem Oceanus insulas præterlatabitur Orchades, deinde infinitis orbem terræ spacijs ambit, sinistrorsum habens Hyberniam Scotorum patriam, quæ nunc Irland dicitur, dextrorsum verò scopulos Nordmanniæ; Ulterius autem insulas Island & Grönland, ibi terminatur Oceanus, qui dicitur caligans. Quod autem dicit eundem sinum longitudinis incomptæ, hoc nuper apparuit in solertia fortissimorum virorum, Ganund Wolf satrapæ Danorum, sive Haraldi regis Nordmannorum, qui magno vitæ labore, multoq; sociorum periculo, pro quantitatem hujus maris

tempor




maris perscrutantes, ancipiti demum jactura ventorum ac piratarum fracti, victi q; redierunt. Affirmant autem Dani longitudinem hujus Ponti s̄pè à pluribus exper- tam, secundo flatu per mensem aliquos à Dania pervenisse in Ostrogard Russiæ.

Latitudinem verò illam ponit, quæ nusquam centum millia passuum excedat, cùm in multis, ait, locis contracior inveniatur, quod in ostio ejusdem sinus videri potest, cuius ab Oceano introitus inter Alaburg, vel Vendilam promontorium Danicæ, scopulosq; Nordmannicæ tām strictus invenitur, ut facili saltu per noctem carbasa trajiciantur: Item limitem egressus Danorum, idem Pontus latè brachia tendit, quæ denuò contrahit è regione Gothorum, qui à latere Wilzos habent; Deinde quantò interius vadit, tantò latius hinc inde diffunditur.

Hunc, inquit, sinum multæ circumfident nationes: Dani siquidem ac Sueones, quos Normannos vocamus, septentrionale littus tenent, & omnes in eo insulas: Ad littus autē Australe Slavi, Haisti, alizq; diversæ incolunt nationes, inter quas præcipui sunt Welatabi, qui & Wilzi dicuntur.

12 CHOROGRAPHIA

tur. Dani vero & Sueones ceteriq; trans Daniam populi, ab Historicis Francorum omnes Nordmanni vocantur, cum tamen Romani Scriptores ejusmodi vocent Hyperboreos, quos Marcianus Capella multis laudibus extulit. Itaq; primi ad ostium praedicti sinus in australi ripa, versus eos Dani quos Iuthas appellant, usq; ad Sliam lacum habitat; Unde incipiunt fines Hammaburgensis parochiarum, qui per maritimos Slavorum populos longo tractu porrigitur usq; ad Panim fluvium, ibi limes est nostræ Ditecesis: Inde Wilzi & Leuticij sedes habent, usq; ad Odoram fluvium: Trans Odoram autem comperimus degere Pomeranos, deinde latissima Polonorum terra diffunditur, cuius terminum dicunt in Russiæ regnum connecti. Hæc est ultima & maxima Winulorum provincia, quæ & finem illius facit sinus; At vero à parte aquilonari revertentibus ad ostium Baltici freti, primi occurunt Nordmanni, deinde Sconia prominet regio Danorum, & supra eam tenso limite Gothi habitat usq; ad Bircam; Postea longis terrarum spacijs regnant Sueones usq; ad terram Fæminarum. Supra illas Wilzi, Miri, Lami, Scuti & Turci habitare feruntur usq;




usque ad Russiam, in quo denuò finem haber ille sinus. Itaq; latera illius ponti, ab austro Slavi, ab aquilone Suedi possederunt; Afferunt etiàm periti locorum, à Sueonia terrestri viâ quodam usq; in Græciam permeasse; Sed barbaræ gentes; quæ in medio sunt, hoc iter impediunt, propterea navibus tentatur periculum.

Multæ sunt insulæ in hoc sinu quas Dani & Sueones omnes habent in sua ditione, aliquas etiàm Slavi tenent; Earum prima est in capite illius freti Wendila, secunda Moise, tertia Thuit, modico ab invicem intervallo divisæ, quarta est Sampse quæ opposita est civitati Aarhusen, quinta Fyn, sexta Seland, septima quæ illi adhaeret, & quarum supra memoriam fecimus: Octavam dicunt illam quæ Sconia ac Gothia proxima, Holmus appellatur, celeberrimus Daniz portus, & fida statio navium, quæ à Barbaris in Sueciam dirigi solent. Cæterum Fyni insulæ aliae septem adjacent minores ab euro, quas supra diximus frugibus opulentas, hoc est Moland, Imbra, Falstre, Laland, item aliæ omnes sibi vicinæ, cum Laland interius vadat ad confinia Slavorum. Hæ quindecim insulæ Danorum regnum aspiciunt, omnesq;

B ; jam

jam Christianitatis titulo decoratæ sunt,
Sed & alia interius sunt, quæ subjacent
Sueonum imperio, quarum maxima est
illa quæ Curland dicitur, iter octo dierū
habens, gens crudelissima propter ni-
mum idolatriæ cultū fugitur ab omni-
bus: Aurum ibi plurimū, equi optimi, Di-
vinis, Augurib' atq; Necromāticis omnes
domus sunt plenæ, qui etiā vestitu mo-
nachico induti sunt; A toto orbe ibi re-
sponsa petuntur, maximè ab Hispanis &
Græcis: Hanc insulam in vita Ansgarij
Chori nominatam credimus, quam tunc
Sueones tributo subjecerunt: Una ibi
nunc facta est Ecclesia cuiusdam studio
Negotiatoris, quem Rex Danorum multis
ad hoc illexit muneribus; Ipse enim Rex
gaudens in Domino recitavit mihi hanc
cantilenam.

Prætereà recitatum est nobis, alias plu-
res iusulas in eodem Ponto esse, quarum
una grandis Eftland dicitur, non minor illá
de qua ptiū dixi. Nam & ipsi Deum
Christianorum prorsus ignorant, dracones
adorant cum volucribus, quibus etiā vi-
vos litant homines, quos à mercatoribus
emunt, diligenter omnino probatos nè
maculam in corpore habeant, pro qua re-
futari



SCANDINAVIÆ.

17

Sutari dicuntur à draconibus: Et hæc quidem insula terræ Fæminarum proxima narratur, cùm illa superior non longè sit à Birkæ Sueonum.

Illarum autem insularum, quæ Slavis adjacent, insigniores accepimus tres, quarum prima Fembra vocatur, hæc opposita est Wagris: Altera est contra Wilzos posita, quam Rani vel Runi possident, fortissima Slavorum gens, extra quorum sententiam de publicis rebus nihil agi lex est: Ita illi metuuntur propter familiaritatem Deorum, vel potius Dæmonum, quos majori cultu cæteris venerantur. Ambæ igitur hæc insulæ piratis, & cruentissimis latronibus plenæ sunt, qui & nemini parcunt ex transiuntibus. Tertia est illa quæ Semiland appellari solet, contigua Russis & Polonis, hanc inhabitant Sembæ vel Prusæ, homines humanissimi, qui obviam tendunt ad auxiliandum his qui in mari periclitantur, vel qui à piratis infestantur: Autrum argentumq; pro minimo ducunt, pelibus abundant peregrinis, quarum odor nostro erbi lætiferum superbæ venænum propinavit; Et illi quidem ut stercora hæc, ad nostram fortè habent damnationem, qui per fas nefasq; ad yestem anhelamus mar-


B 4

turie

cm 1 2 3 4 5 6 7 8 9

turinam, quasi ad summam beatitudinem.
Itaq; pro laneis indumentis, quæ nos dici-
mus paldones, illi offerunt tamen preciosos
martures. Multa ergo possent de illis po-
pulis dici laudabilia in moribus, si solam
Christi fidem haberent, cujus prædica-
tores immaniter persequuntur: Apud illos
enim illustris Bohemorum Episcop? Adal-
bertus martyrio est coronatus. Usq; hodiè
profetò inter illos, cum omnia communia
sint nostris, solus accessus prohibetur lu-
corum & fontium, quos autumant Chri-
stianorum pollui accessu. Carnes etiàm
jumentorum pro cibo sumunt, quorum la-
ete vel cruento utuntur in potu, ita ut in-
ebriari dicantur. Homines cerulei, facie
rubea & criniti, præterea inaccessi paludi-
bus, nullum inter se pati Dominum vo-
lunt.


Sunt & plures aliæ in hoc ponto insu-
læ, ferocibus Barbaris omnes plenæ, ideoq;
fugiuntur à navigantibus. Item circa hæc
littora Baltici maris ferunt esse Amazonas,
quæ nunc terra Fæminarum dicitur,
quas aquæ gustu aliqui dicunt concipere:
Sunt etiàm qui referant eas imprægnari à
prætereuntibus negotiatoribus, vel ab eis
quos inter se habent captivos, sive ab alijs
mon-



monstris, quæ ibi non rara habentur, & hoc etiā credibilius est; Cumq; pervenerint ad partum, si quid masculini generis fuerit, Cynocephali; Si quid fæminini, speciosissimæ mulieres. Hæ simul viventes, spernunt consortia virorum, quos etiā si advenerint, à se viriliter repellunt. Cynocephali sunt, qui caput in pectore habentes, in Russia sæpè videntur captivi, & cum verbis latrant in voce; Ibi sunt etiam, qui dicuntur Alani vel Albani, cum canicie nascuntur, de quibus Solinus auctor meminit. Forum patriam canes defendunt, & si quādò pugnandum est, canibus aciem struunt. Ibi sunt homines pallidi, virides & macrobij, id est longi, quos Busos appellant. Postremò illi qui dicuntur antropophagi, & hūmanis vescuntur carnibus. Ibi sunt alia monstra plurima quæ recitantur à navigantibus sæpè inspecta, quamvis hoc nostris vix credibile videatur: Hæc habui quæ de sinu illo Baltico vel Barbaro dicerem, cujus nullam mentionem audivi quempiam doctorum fecisse, nisi solum, de quo suprà diximus, Einhardum: Et fortasse mutatis nominibus, arbitror illud fretum ab antiquis Romanis vocari paludes Scythicas, vel Meoticas,

ticas , sive deserta Getarum , aut littus Scythicum , quod Martianus ait confer-
tum esse multiplici diversitate Barbaro-
rum: Illic, inquit, Getæ, Daci, Sarmatæ,
Neutri, Alani, Geloni, Antropophagi,
Trogloditz; Quorum errori condolens
noster Metropolitanus , statuit Birkam il-
lis gentibus Metropolim , quæ in medio
Sueoniz posita, contra civitatem Slavo-
rum opposita, respicit lumen, paribusq;
spacijs omnes illius Ponti amplectitur
oras; In qua civitate primum ex nostris or-
dinavit Hiltinum abbatem , quem ipse Io-
hannem appellavit; Itaq; de Insulis Dano-
rum dictum est satis. Nunc verò ad Sueo-
num sive Nordmannorum populos , qui
Danis proximi sunt , convertamus articu-
lum.

Transeuntibus insulas Danorum, alter
mundus aperitur in Sueoniam vel Nord-
manniam, quæ sunt duo latissima Aquilo-
nis regna, & nostro orbi adhuc ferè in-
cognita: De quibus narravit mihi sanctis-
simus Danorum Rex, quod Nordmannia
vix queat transfiri per mensem, cùm Sueo-
nia duobus mensibus non facile percurra-
tur, quod ipse, inquit, probaveram, Qui à
nuper sub Iacobo rege X I. annis in illis
regio-



regionibus militavi, quæ altissimis ambe
montibus includuntur, magis autem Nord-
mannia, quæ suis alpibus circundat Sueo-
niam. De Sueonia verò non tacent antiqui
Auctores, Solinus scilicet & Orosius, qui
plurimam partem Germaniæ Suevos di-
cunt tenere, nec non montana ejus usq; ad
Ripheos montes extendi. Ibi etiā est
Albis fluvius, de quo Lucanus meminisse
videtur, qui oritur in predictis alpibus,
perq; medios Gothorum populos currit in
Oceanum, indè & Gothelba dicitur: Sueo-
nia ergò regio est fertilissima, ager frugi-
bus & melle opimus, extra quod pecorum
fœtu omnibus antefertur: Oportunitas
fluminum silyarumq; magna, ubi peregrini-
nis mercibus omnis regio plena. Nullis
itaq; egere dicas Sueones opibus, exceptā,
quam nos diligimus, sive potius adora-
mus, superbiā. Omnia enim instrumenta
vanæ gloriæ, hoc est aurum, argentum, so-
nipedes regios, pelles castorum & martu-
rum, quæ nos admiratione sui dementes
faciunt, illi pro nihilo ducunt, in sola
mulierum copula modum nesciunt. Quis-
quæ secundum facultatem suarum virium,
duas aut tres, vel amplius simul habet, di-
vites & Principes absq; numero: Nam &
fili-


filios ex tali coniunctione genitos habent
legitimos: Capitali vero multantur
poenâ, si quis alterius uxorem cognovet,
aut vi oppresserit virginem, sive qui
alterum bonis suis spoliaverit, aut inju-
riam fecerit: Quamvis omnes Hyper-
borei hospitalitate sunt insignes, precipui
sunt nostri Sueones, quibus est omni pro-
bro gravius hospitium negare transeun-
tibus, ita ut certamen habeant inter se, quis
dignus sit hospitem recidere, cui omnia
exhibens humanitatis jura, quot illic com-
morari voluerit diebus, ad amicos suos
illum certatim per singulas dirigit manio-
nes: Hæc illi bona in moribus habent:
Prædicatores autem veritatis, si casti, pru-
dentes & idonei sint, ingenti fovent amo-
re, adeo ut Cœilio populorum communi,
quodab ipsis Warph, à nobis Thnig vo-
catur. Episcopos interesse non renuant, ubi
de Christo ac Christiana religione crebro
audiunt non inviti. Et profectò facile
sermone ad nostram fidem illi persuade-
tentur, nisi quod mali Doctores dum sua
querunt, non quæ Iesu Christi, scandali-
zant eos qui salvati possent.

Populi

Populi Sueonum multi sunt, viribus & armis egregij, prætereà tamen in equis quam in navibus juxta optimi bellatores. Unde etiam suâ potentiâ cæteras aquilonis gentes confringere videntur. Reges habent ex genere antiquos, quorum tamen vis pendet in populi sententia, quod in commune laudaverint omnes, illum confirmare oportet, nisi ejus decretum potius videatur, quod aliquando sequuntur invitî. Itaque domi pares esse gaudent, in prælium euntes omnem præbent obedienciam Regi, vel ei qui doctior cæteris à Rege præfertur. Si quandoverò præliantes in angustia positi sunt, ex multitudine Deorum quos colunt, unum in auxilium invocant, ei post victoriam deinceps sunt devoti, illumque cæteris anteponunt, Deum autem Christianorum jam communi sententiâ fortiorem clamant omnibus esse, alios Deos sæpè fallere, illum porro semper astare certissimum adjutorem in oportunitatibus.

Ex ipsis populis Suediæ proximi ad nos habitant Gothi, qui Occidentales dicuntur, alijs sunt Orientales; Verum Vestrogothiæ cōfinis est provincia Danorum, qua Sconia

Sconia dicitur, à qua ferunt diebus septem perveniri usque ad civitatem Gothorum magnam Scarane; Deinde Ostrogothia protenditur juxta mare, quod Balticum dicitur, usque ad Birkam. Primus Gothorum Episcopus Thurgot fuit: Secundus Godeschalcus, vir sapiens & bonus, nisi quod domi sedens, ocium labori prætulit: Tertium autem ordinavit noster Metropolitanus Adalwardum seniorem, verè laudabilem virum, qui deinde ad Barbaros perveniens, sicut docuit, ita vivit. Nam sancte vivendo, & benè docendo, magnam gentilium multitudinem ad Christianam convertit fidem: Qui etiam virtutum claruit miraculis, ita ut poscentibus in necessitate Barbaris, imberem de cœlo faceret descendere, & denuò serenitatem venire, & alia quæ hactenus quæruntur à Doctoribus. Is autem vir memorabilis in Gothia permanens, nomen Domini Iesu constanter omnibus prædicavit, & ibidem post multos agones, quos pro Christo libenter sustinuit, vietricem terræ carnem tradidit, spiritus cœlum petiit laureatus: Post quem Archiepiscopus ordinavit in illas partes quendam Acelinum, nihil Episcopali nomine dignum




gnūm ferentem, præter ingentem corporis
staturam: Et ille quidem carnis requiem
diligens, frustrè legationem Gothis mit-
tentibus, usq; ad obitum suum in deliciis
Coloniæ permanxit. Inter Nordmanni-
am & Sueoniam Warmelani & Finwedi de-
gunt, & alij qui nunc omnes sunt Christia-
ni, respiciuntq; ad Scaranensem Ecclesiam.
In confinio Sueonum vel Nordmannorum,
contra boream habitant Scritefinni, quos
aiunt cursu feras præire, civitasq; eorum
maxima Halsingaland, & Halsingaland re-
gio est, ad quam primus est ab Archie-
piscopo designatus Stenphi Episcopus,
quem ipse mutato nomine Simonem voca-
vit, qui etiā multos earundem genti-
um suā prædicatione lucratus est. Præ-
tereà sunt alij numero carentes Sueonum
populi, de quibus ad Christianitatem con-
versos accepimus solos Gothos, Wermel-
anos, & partem Scritefennorum, vel qui
illis vicini sunt.

Igitur, ut brevem Sueoniæ vel Suediæ
faciamus descriptionem, hæc ab occiden-
te Gothos habet, & civitatem Scarane,
à borea Wermelanos cum Scritefennis,
quorū caput Halsingaland; Ab austro lon-
gitudinem habet illius Baltici maris, de
quo

quo anteà diximus, ibi est magna civitas Sigtuna. Ab oriente autem Riphæos montes attingit, ubi deserta ingentia, ubi nives altissimæ, ubi monstrofi hominum greges, ultrà prohibent accessum; Ibi sunt Amazones, ibi Cynocephali, ibi Cyclopes qui unum in fronte habent oculum: Ibi sunt illi quos Solinus dicit Himantopodes, uno pede salientes, & illi qui humanis carnibus delectantur pro cibo, ideoque sicut fugiuntur, ita etiam jure tacentur. Narravit igitur mihi Rex Danorum sæpè recolendus, gentem quandam ex montanis in plana descendere solitam, & incertum esse undè veniat, semel aliquando per annum, vel post triennium, inquit, subita accedi, cui nisi totis resistatur viribus, omnem depopulatur regionem, & denuò recedit; Aliaq; multa recitari solent, quæ brevitati studens omisi, ab his dicenda qui hæc se vidisse testantur; Nunc de superstitione Sueonum pauca dicemus.

Nobilissimum illa gens templum habet, quod Ubsala dicitur, non longè possum à Sictona civitate, vel Birka: In hoc templo, quod totum ex auro paratum est, statuas



statua trium Deorum veneratur populus,
ita ut potentissimus eorum Thor in medio
solum habeat triclinium, hinc & inde lo-
cum possident Wodan & Fricco, quorum
significationes ejusmodi sunt: Thor, in-
quiunt, præsidet in aëre, qui tonitus &
fulmina, ventos, imbræque, serena & fru-
ges gubernat. Alter Wodan, id est for-
tior, bella regit, hominumque ministrat
virtutem contra inimicos. Tertius est
Fricco, pacem voluptatemque largiens
mortalibus; Cujus etiā simulachrum
singunt ingenti priapo; Wodanem verò
sculpunt armatum, sicut nostri Martem
sculpere solent: Thor autem cum sceptro
Iovem exprimere videtur: Colunt &
Deos ex hominibus factos, quos pro in-
gentibus factis immortalitate donant, sicut
in vita Sancti Ansgarij legitur Hericus rex
fecisse, omnibus scilicet Dijs attributos
sacerdotes, qui sacrificia populi offerant.
Si pestis & famæ imminet, Thor idolo
immolant; Si bellum Wodani; Si nuptiæ
celebrandæ sunt, Fricconi. Solet quoque
post novem annos, communis omnium
Sueoniz provinciarum solemnis cele-
brari;

C

Ad quem

Ad quam solennitatem nulli præsta-
tur immunitas; Reges & populi omnes
& singuli sua bona ad Ubsalam transmit-
tunt, & quod omni poenâ crudelius est, illi
qui jam induerunt Christianitatem, ab illis
se ceremonijs redimunt. Sacrificium
itaque tale est: Ex omni animante, quod
masculinum est, novem capita offeruntur,
quorum sanguine Deos tales placari mos
est, corpora autem suspenduntur in lu-
cum qui proximus est templo. Is enim
locus tam sacer est gentilibus, ut singula
arbores ejus ex morte vel tabo immolato-
rum divinæ credantur. Ibi etiam canes
qui pendent cum hominibus, quorum cor-
pora mixtim suspensa narravit mihi qui-
dam Christianorum se LXXII. vidisse:
Caterum naniæ, quæ in ejusmodi ritibus
libatorijs fieri solent, multiplices sunt &
inhonestæ, ideoque melius reticeadæ.

In eadem provincia nuper res conti-
git memorabilis, & pro dignitate gesto-
rum longè diulgata, pervenit etiam ad
noticiam Pontificis: Quidam enim è
sacerdotib⁹, qui apud Ubsalam Dæmonibus
astare solebat, ne quicquam juvatisbus Dijs,
factus est cœcus; Cumque vir sapiens in-
fortu-

fortunum orbitatis suæ culturam idolorum imputaret, quæ superstitiosè venerans potentissimum Christianorum Deum offendisse videretur: Eccè ipsâ nocte apparuit ipsi virgo nimis decora, interrogans si in filium ejus credere vellet ut visum reciperet, abjectis, quæ antè colebat, simulachris. Tunc ille, qui nihil ardui renueret subeundum pro hoc dono, ità se facere latus spopondit. Ad hæc virgo, scito, inquit, certissimè hunc locum, ubi nunc tantus innocentium crux effunditur, in meo dedicandum proximè honore. In qua re, nè tibi aliqua dubietatis signa remaneat, in nomine Christi, qui est filius meus, tu recipe lumen oculorum tuorum. Mox ille lumine recepto credidit, per transiensque totas in circuitu regiones, facili fide paganis persuasit ut crederent in eum qui cæcum illuminavit. Quibus miraculorum caussis impellentibus, statim noster Metropolitanus obediens voci quæ dicit: Respicite & levate oculos vestros, quoniam regiones jam albæ sunt ad messem, ordinavit in illas partes Adalwardum juniores de Bremensi choro assumptum, virum litteris & morum probitate fulgentem; Qui etiam per legatos clarissimi Re-

C 2 gis.

CHOROGRAPHIA
gis Stenckil, sedem posuit in Sictona ci-
tate, quæ distat ab Ubsala itinere diei uni-
us. Est verò iter ejusmodi, ut à Sconia
Danorum per mare velificans, quinto die
provenias usque ad Sigtonam vel Bir-
kam, juxta enim sunt. Si verò per ter-
ram eas à Sconia per Gothorum populos,
& civitatem Scaranen, Telgas & Birkam,
completo mense pervenies Sictonam.

Relatum est autem nobis à quibus-
dam Adalwardi Episcopi stipatoribus, cùm
primùm Sictonam accessisset, ad unam
Missarum celebrationem ad manum sibi
oblatas L X X. marcas argenti. Tantæ
enim devotionis sunt omnes populi arcti-
cæ plagæ: Tum etiam occasione itineris di-
vertit Birkam, quæ tunc in solitudinem
redacta est, ita ut vestigia civitatis vix ap-
pareant, quare nec tumulus Sancti Vn-
ni Archiepiscopi potuit inveniri. A-
dalwardus igitur magno prædicandi fer-
vore Evangelij Suediam ingressus, omnes
qui in Sigtona erant & in circuitu, brevi
temporis spacio ad Christianam fidem per-
duxit. Conspiravit etià cum sanctissimo
viro Eginone Sconensi Episcopo, ut
pariter adirent illud templum Pagano-
rum,

cm
1
2
3
4
5
6
7
8
9
10
11
12
13
14
15
cm 1 2 3 4 5 6 7 8 9

rum, quod libsala dicitur, si fortè aliquem Christo laboris sui fructum ibi possent offerre, omnia tormentorum genera libenter suscepturni, ut illa destrueretur domus, quæ caput erat barbaricæ superstitionis. Illâ enim dirutâ vel potius crematâ, fore ut tota gentis conversio sequeretur: Quam Confessorum Dei voluntatem p̄ijssimus rex Stenkil in populo murmurari sentiens, callidè submovit eos à tali cæpto, afferens & illos statim morte damnandos, & se à regno depellendum, qui malefactores in patriam duxerit, & facile omnes ad paganismum relapsuros qui nunc credunt, sicut in Slavonia nuper factum post videri: Talibus Regis allocutionibus cosentientes Episcopi, omnes Gothorum civitates peragabant, idola confringentes, & multa paganorum millia deinceps lucrantes ad Christianitatem: Hæc de Sueonia, & ceremonijs ejus dicta sufficient.

Nordmannia, sicut ultima orbis provincia est, ità convenienter in ultimo libri loco ponetur à nobis: Hæc à modernis dicitur Norwægia, de cuius situ vel magnitudine, cùm priùs aliqua communiter

30 CHOROGRAPHIA
cum Sueonia diximus. Nunc verò hoc spe-
cialiter dicendum est, quod longitudine
suā in extremam septentrionis plagam ex-
tenditur hæc regio, undē & dicitur. Inci-
cipit autem ex prominētibus scopulis hu-
jus freti, quod Balticum appellari solet;
Deindè reflexo in aquilonem dorso, post-
quam ferventis Oceani marginem suo cir-
cuit ambitu, tandem in Riphæis monti-
bus limitem facit, ubi & lassus deficit or-
bis. Nordmannia propter asperitatem
montium, sive propter frigus intempera-
tum, sterilissima est omnium regionum,
solis apta pecoribus, indeque fortissimos
educat milites, qui nullā frugum luxuriā
molliti, səpiùs impugnant alios quam
ipsi molestentur ab aliquo. Sine invidia
cum proximis habitant Sueonibus, quam-
vis à Danis æquè pauperibus non impunē
tentantur aliquando. Itaque rei familia-
ris inopiā coacti, totum mundum circum-
eunt, & piraticis raptibus amplissimam ter-
rarum facultatem reportant domum, pe-
nuriam suæ regionis tali modo sustinentes.
Post suscep̄tam verò Christianitatem, me-
llioribus imbuti scholis didicerunt jam pa-
cem & veritatem diligere, paupertate suā
contenti esse, immò quæ hereditant col-
lecta

cm
1 2 3 4 5 6 7 8 9 10 11 12 13 14 15
cm 1 2 3 4 5 6 7 8 9 10

SCANDINAVIÆ.

32

lecta spargere, non ut prius conspersa colligere. Cumque nefandis maleficiorum artibus omnes ab initio servirent, nunc cum Apostolo simpliciter confitentur, & hunc Crucifixum: Sunt etiā continentissimi omnium mortalium, tam in cibis quam in moribus, parcitatem, modestiamque summo perē diligentes, Prætereā sacerdotum & Ecclesiarum tantam venerationem habent, ut vix Christianus habeatur qui nō quotidiē offerat ad Missam quam audierit. Verū Baptismus & Confirmatio, Dedicationes altarium, & sacrorum benedictio Ordinū, apud illos & Danos carē omnia redimuntur; Quod ex avaritia sacerdotū prodijſſe arbitratur, quia Batbari adhuc decimas dare aut neſciunt, aut nolunt, ideoq; constringuntur in cæteris quæ deberent gratis offerri. Nam visitatio infirmorum, & sepultura mortuorum, omnia ibi venalia. Apud illos igitur tanta morum insignia, solā, ut compertum habeo, sacerdotum corrumpuntur avaritiā.

In multis Nordmanniæ & Suediæ locis, pastores pecudum sunt etiā nobilissimi homines, ritu Patriarcharum, & la-

C 4

bore

cm

1

2

3

4

5

6

7

8

9

cm

3
4
5
6
7
8
92
3
4
5
6
7
8
91
2
3
4
5
6
7
8
915
14
13
12
11
10

bore manuum viventes. Omnes verò sunt Christianissimi qui in Nordwelia degunt, exceptis illis qui trans arctoam plagam circa Oceanum remoti sunt, quos adhuc serunt magicis artibus, sive incantationibns in tantum prævalere, ut se scire fateantur quid à singulis in toto terrarum orbe geratur; Tunc etiā potenti murmure verborum grandia cete maris in littora trahunt, aliaque multa, quæ de maleficiis in scripturis leguntur, illis ex usu facilia sunt. In asperrimis etiā quæ ibi sunt alpibus, audivi mulieres esse barbaras, viros autem silvicolas raro se præbere videndos, qui ferarum pellibus utuntur pro vestibus, & loquentes ad invicem, frendere magis quam verba proferre dicuntur, ita ut vix à proximis intelligi queant populis. In ijsdem montanis agrestium tanta est copia ferarum, ut plurima pars regionis ex solis vivat silvaticis. Ibi capiuntur ura, bubali & elaces, sicut in Sueonia, cæterum bisontes capiuntur in Slavonia & Russia, sola Nordmannia vulpes habet nigras & lepores, martures albos, ejusdemque coloris ursos, qui sub aqua ut ura vivunt. Cumque diversa prorsus & insueta nostris multa ibi videantur,

ab ejus-

cm
1 2 3 4 5 6 7 8 9 10 11 12 13 14 15
cm 1 2 3 4 5 6 7 8 9 10

ab ejusdem patris incolis hæc & alia plenius dicenda relinquo.

Metropolis civitas Nordmannorum est Trondemnis, quæ nunc decorata Ecclesijs, magno populorum frequentatione celebratur. In qua jacet corpus beatissimi Olaph Regis & martyris, ad cuius tumbam usque in hodiernum diem maxima Dominus operatur sanitatum miracula, ita ut à longinquis illuc confluant regionibus, qui se sancti Martyris meritis sperant possè juvari. Est verò iter ejusmodi, ut ab Alaburg, vel Vendila Danorum ingredientibus navim, per diem mare transeatur ad Wig civitatem Nordmannorum, indè vela torquentur in Ievam circa littora Nordwegiæ, & quinto die pervenitur ad ipsam civitatem quæ Trondemnis dicitur. Potest autem iri & aliâ viâ quæ dicitur à Sconia Danorum terrestri itinere usque ad Trondemnum: Sed hæc est tardior in montanis, & quoniam plena est periculo, declinatur à viatoribus.

In Nordmanniam primus ab Anglia venit quidam Iohannes Episcop', qui Regem cum populo conversum baptizavit: Cui

C s successit

34 CHOROGRAPHIA

successit Grinkeil Episcopus, qui tunc erat ad Unwanum Archiepiscopum Regis Olaph Legatus. Tertio loco advenit ille Sigafridus, qui & apud Suedos & Nordmannos juxta prædicavit, isque duravit usque ad nostram ætatem, cum alijs æquè non obscuris in illa gente sacerdotibus: Post quorum excessum noster Metropolitanus, potentibus Nordmannorum populis, ordinavit Tholf Episcopum in civitate Trondemni, & Siguardum in easdem partes. Asgotum verò & Bernardum, licet molestè ferret à Papa consecratos, acceptâ satisfactione dimisit à se donatos; Per quos usque hodiè verbum Dei multas lucratur animas, ita ut in omnibus provincijs Norwegiæ, beata mater Ecclesia lætis floreat incrementis. Inter Nordmannos tamen & Sueones, propter novellam plantationem Christianitatis, adhuc nulli Episcopatus certo limite sunt designati; Sed unusquisq; Episcoporum à Rege vel populo assumpsit, communiter ædificant Ecclesiam, & circum euntes regionē, quantos possunt ad Christianitatem trahunt, eosque gubernant sine invidia quamdiu vivunt.


Post

Pòst Nordmanniam, quæ est ultima aquilonis provincia, nihil habitationis humanæ, nisi terribilem visu & infinitum Oceanum, qui totum mundum amplectitur, invenies; Is habet ex adverso Nordmanniæ insulas multas non ignobiles, quæ nunc ferè omnes Nordmannorum ditioni subjacent, ideoque à nobis non sunt prætereuadæ, quoniam Hammaburgensem parochiam & ipsæ respiciunt: Quarum primæ sunt Orchades insulæ, quas Barbari vocant Organas, ritu Cycladum illæ sunt dispersæ per Oceanum, de quibus Romani auctores Martianus & Solinus ita scripsisse videntur. A tergo Britanniæ, undè infinitus patet Oceanus, Orchades sunt insulæ, quarum XX. sunt desertæ, XVI. coluntur. Orchades insulæ penè XL. junctæ; Item vicinæ sunt Electrides, in quibus electrum gignitur: Igitur Orchades inter Nordmanniam & Britanniam ac Hyberniam positæ, frementis Oceani ludibundæ minas derident: Ad quas à civitate Nordmannorum Trondemne per diem feruat navigari posse. Item ab Orchadibus, ajunt, simile spatium sive in Angliam dirigas, sive in Scotiam deflectere velis; Ad easdem insulas Orchadas, quamvis

36 CHOROGRAPHIA

q̄is priūs ab Anglorum & Scotorum Episcopis regerentur, noster primus jussu Pape, ordinavit Thorulfum Episcopum in civitate Blascona, qui omniū curam ageret.

Insula Thyle, quæ per infinitum à ceteris secreta longè sita est in Oceano, vix, ut inquiunt, nota habetur. De qua tām à Romanis scriptoribus, quām à Barbaris multa referuntur digna prædicari. Ultima, inquiunt, omnium Thyle, in qua æstivo solstitio, sole cancri signum transiente, nō ex nulla, brumali solstitio proindē nullus dies. Hoc quidem senis mensibus fieri arbitrantur: Item Beda scribit, in Britannia æstate lucidas noctes haud dubie remittit, ut si in solstitio continuos dies habeant senis mensibus, noctisque e diverso ad brumam sole remoto. Quod fieri in insula Thyle Pictas Massiliensis scribit, sex dierum navigatione in septentrione à Britannia distante. Hæc itaq; Thyle nunc Island appellatur, à glacie quæ Oceanum astringit: De qua etiā hoc memorabile ferunt, quod eadem glacies ita nigra & arida videatur propter antiquitatem, ut incensa ardeat. Est autem insula permaxima, ita ut populos intra se multos contineat, qui solo pecorum fætu vivunt, eorumq; velle re te-




re teguntur: nullæ ibi fruges, minima lignorum copia, propterea in subterraneis habitant speluncis, tecto communi & vietu & strato gaudentes cum pecoribus suis. Itaque in simplicitate sanctam vitam peragentes, cum nihil amplius querant quām natura concedit, læti dicere cum Apostulo possunt: Habentes victum & vestitum his contenti simus. Nam & montes suos habent pro oppidis, & fontes pro delitijs; Beata, inquam, gens cuius pauperati nemo invidet, & in hoc beatissima, quod nunc omnes induerunt Christianitatem. Multa insignia in moribus eorum, præcipue charitas, ex qua procedit ut inter eos omnia sint communia, tam advenis quām indigenis. Episcopum suum habent pro Rege, ad cuius nutum respicit omnis populus, quidquid ex Deo, ex scriptis, ex consuetudine aliarum gentium ille constituit, hoc pro lege habent.

De quibus noster Metropolitanus immensas DEO gratias retulit, quod suo tempore convertebantur, licet ante susceptam fidem naturali quadam lege, non adeo discordarent à nostra religione: Itaque potentibus illis ordinavit quandam sanctissimum virum Isleph, qui
ab ea.

ab eadem regione missus ad Pontificem, aliquandiu apud eum retentus est cum ingenti prorsus honore, discens interea, quibus noviter conversos ad Christum populos salubriter posset informare, per quem transmisit Archiepiscopus suos apices populo Islando, tum & Grönlandorum, venerabiliter eorum salutans Ecclesias, pollicens eis propediem se venturum usq; ad illos, ut gaudio similiter pleno fruantur. In quibus verbis egregia, quam habuit in legatione sua, voluntas Pontificis laudari debet, quoniam & Apostolum dicimus ad praedicandum verbum Dei velle in Hispaniam proficisci, quod implere non potuit. Hæc de Island, & de ultima Thyle veraciter comperi, fabulosa præteriens.

Sunt autem plurēs aliae in Oceano insulæ, quarum non minima est Grönland, profundius in Oceano sita contra montes Suediæ, vel Riphæa juga; Ad quam insulam à littore Nordmannorum ferunt vela pandi quinque aut septem diebus, quemadmodum ad Island: Homines ibi à salo cœrulei, unde & regio illa nomen accepit, qui similem Islandis vitam agunt, excepto quod crudeliores sunt, raptuque piratico remi-



remigantibus infestis. Ad eos etiam sermo est nuper Christianitatem pervolasse.


Tertia est Halagland insula vicinior Nordmanniæ, verum magnitudine cæteris non impar: Hæc in æstate circa solstitium, per quatuordecim dies continuos solem videt super terram, & in hyeme similiter per totidem dies sole caret: Stupendares & incognita Barbaris, qui nesciunt disparem longitudinem dierum contingere propter solis accessum & recessum: Nam propter rotunditatem orbis terrarum, necesse est ut solis circuitus accedens, alibi diem exhibeat, recedens, alibi noctem relinquat. Qui dum ascenderit ad æstivale solstitium, his qui in borea sunt, dies prolongat, noctesque abbreviat; Descendens autem ad hyemale solstitium, simili ratione facit australibus; Hoc ignorantes pagani, terram illam vocant sanctam & beatam, quæ tale miraculum præstat mortalibus. Itaque Rex Danorum cum multis alijs contestatus est hoc ibi contingere, sicut in Suedia & Norwegia, & in ceteris quæ ibi sunt insulis.

Præterea unam adhuc insulam recitat à multis repertam in illo oceano,
qua

quæ dicitur Winland, eò quod ibi vites sponte nascantur vinum optimum ferentes. Nam & fruges ibi non seminatas abundare, non fabulosam opinionem, sed certam Danorum comperimus relatione. Postquam insulam terra nulla invenitur habitabilis in illo oceano, sed omnia quæ ultra sunt, glacie intolerabili ac caligine immensa plena sunt, cuius rei Marcianus ita meminit: Ultra Thyle, inquiens, navigare unius diei mare concretum est. Tentavit hoc nuper experientissimus Nordmannorum princeps Haraldus, qui latitudinem septentrionalis oceanii perscrutatus navibus, tandem caligantibus ante ora deficientis mundi finibus, immane abyssi baratrum retroactis vestigijs vix salvus evasit.

Item retulit nobis beatæ memoris Pontifex Adalbertus, in diebus antecessoris sui quosdam nobiles de Fresia viros, caussa pervagandi maris in boream vela tetendisse, eò quod ab incolis ejus populi dicitur ab ostio Wirrahæ fluminis, directo cursu in aquilonem, nullam terram occurtere, præter illud mare quod Liberte dicatur. Cuius rei novitate pervestiganda,


B. Næ. Gen. parv
conjurati



conjurati sodales à littore Fresonum lato
celeumate sunt progressi. Deinde relin-
quentes hinc Daniam, indè Britanniam,
pervenerunt ad Orchades; Quibus à lava
dimissis, cùm Nordmanniam in dextris ha-
berent, longo tractu glacialem Island col-
legerunt, à quo loco maria sulcantes, in
ultimum septentrionis axem, postquam
retrò se omnes, de quibus suprà dictum
est, insulas viderunt, omnipotenti Deo
& sancto confessori Willehado suam com-
mendantes audaciam & viam, subito col-
lapsi sunt in illam tenebrosam rigentis
oceani caliginem, quæ oculis penetrari va-
leret; Et eccè instabilis oceani euripus,
ad initia quædam fontis sui arcana recur-
rens, infelices nautas jam desperatos, im-
mó de morte sola cogitantes, vehementissi-
mo impetu traxit ad chaos: Hanc dicunt
esse voraginem abyssi, illud profundum in
quo fama est omnes maris recursus, qui de-
crescere videntur, absorberi, & denuò re-
vomi, quod fluctuatio dici solet. Tunc il-
lis solùm Dei misericordiam imploranti-
bus, ut animas eorum susciperet, impetus
ille recurrentis pelagi, quasdam sociorum
naves abripuit, cæteras autem revomens,
Dexcusa longo ab alteris post terga repu-
lit. Ita

lit. Ità illi ab instanti periculo, quod ocu-
lis viderant, oportuno Dei auxilio liberati,
toto nisu remorum fluctus adjuvarunt; At
iam periculum caliginis evadentes, &
provinciam frigoris, ad quandam insulam
altissimis in circuitu scopulis ritu oppidi-
munitam insperatè appulerunt. Quam vi-
fendonum gratia locorū aggressi, repererūt
homines in antris subterraneis meridiano
tempore latitantes, præ quorum foribus in-
finita jacebat copia vasorum aureorum, &
eiusmodi metallorū, quæ rara mortalibus
& preciosa putātur. Itaq; sumptuosa parte ga-
zarum, quam sublēte poterant, lēti re-
miges festinè remeant ad naves; Cùm subi-
tò retrò se venientes contemplati sunt
homines miræ altitudinis, quos nostri Cy-
clopes appellant; Quos antecedebat canes
magnitudinem solitam excedentes: Quo-
rum incursu unus de socijs eorum raptus
est, & in momento coram eis laniatus: Re-
liqui verò suscepiti ad naves evaserunt;
gigantibus (ut ferebant) ponè in altum
vociferando sequentibus. Tali fortunā
comitati Fresones Bremam perveniunt,
ubi Alebrando Pontifici ex ordine cuncta
narrantes, pio Christo, & confessori ejus
Willahado reversionis & salutis suæ ho-
stias immolarunt.

Suat



Sunt & alia, quæ non in congruē dicenda essent hoc loco, de illo æstu maris in die bis citato, quod miraculum præbet o. mnibus maximum, ita ut ipsi, qui arcana rerum perscrutantur physici, in dubitationem ejus tui cadat, cujus originē ignorant. Cūq; Macrobius & Beda videantur aliquid loqui, Lucanus autem se nihil scire fateatur, diversi autores varijs pugnant sententijs: Omnes autem incertis abeunt rationibus, nobisq; sufficit cum Propheta clamare: Quām magnificata sunt opera tua Dōmine, omnia in sapientia fecisti, impleta est terra possessione tuā. Et iterū: Tui sunt cœli, & tua est terra, & tu dominaris potestati māris, & iudicia tua abyssus multa, ideoq; iure dicuntur incomprehensibilia.

Hæ sunt quæ de natura septentrionaliū Regionum comperimus, ad honorē sanctæ Hamaburgensis Ecclesiz proponenda, quæ tanto munere divinæ pietatis præditam videmus, ut innumerabilem populorū multitudinem, quorum hæc Metropolis facta est labore suz prædicationis, ex magna jā parte conversos habeat ad Christianitatem, ibi solummodò ponens evangelizandi silentium, ubi mādus habet terminum. Quæ salutifera gentium legatio, primū à S. Ans-

D 2 garie

15
14
13
12
11
10
9
8
7
6
5
4
3
2
1
cm

cm 1
2
3
4
5
6
7
8
9
10
11
12
13
14
15

44 CHOROG. SCANDIN.
gario incepta, prosperis semper in hodier-
num diem aucta est incrementis, usq; ad
transitum magni Adalberti , per annos cir-
citer Ducentos Quadraginta.

Eccè illa ferocissima Danorū, sive Nord-
mannorum, aut Sueonum natio, quæ, juxta
B. Gregorij verba, nihil aliud scivit nisi bar-
barū frēdereā, jam dudūm novit in Dei lau-
dibus Alleluja resonare: Eccè populus ille
piraticus , à quo totas olim Galliarum &
Germaniæ, p̄vincias legimus depopulatas,
suis nunc finibus contentus est, dicens cum
Apostolo: Non habemus manētem hīc civi-
tatem, sed futurā inquirimus , & credimus
videre bona Domini in terra viventiū. Eccè
patria illa horribilis, semper inacessa pro-
pter cultum idolorum, & Schyricæ nō mi-
tior ara Dianæ, deposito jam naturali furo-
re, Prædicatores veritatis ubiq; certatim ad-
mittit, destruitisq; dæmonum aris Ecclesiæ
passim eriguntur, & nomen Christi cōmu-
ni ab omnibus effertur præconio ; Nimirū
hæc est mutatio dexteræ Excelsi, & tam ve-
lociter currit sermo Dei omnipotentis, ut
à solis ortu ad occasum, ab aquilone & mari
laudabile sit nomē Domini, & omnis lingua
cōfiteatur, quia Dn⁹ Iesus Christus in glo-
ria est Dei patris, cū Patre & S. Spiritu vi-
vens, & regnans per omnia sēcula
sæculorum, Amen.

cm 1 2 3 4 5 6 7 8 9 10



CHOROGRAPHIA

Scandiz sive Scandinaviz, ex Era-
smi Michaelij, Latii, Dani, rerum Danica-
rum opere poetico desumpta.

Scandia, quæ magni soboles & plurima mundi
Portio, non uni, cùm sit vastissima, paret,
Aut se subdit Hero, tripliæ seu jure, pariq; Pag. 81.

Penè etiam spacio divisa est Regibus ; Etsi
Prisca tamen plures, ceu fama est, secla Tyrannos
Hic regnasse ferant, parris mortalia regnis
Cùm contenta forent, nè se violentia tanto
Obrueret scelere, & diro fas sterneret ausu :
Biarmia, Bothnenses, Helsingiaq; aspera, Lappi,
Et qua preterea est gens Arcto subita, Reges
Possidere suos.

Hæ Sueco gentes etiam cessere, proinde Pag. 82.
Huic terra major jam portio militat inde.

Interea si quid reliqui est virtutis & usus
Antiqui, solis velut insita munera Gotthis,
Esse supervideas, non se versutia, non se
Luxus, & inviso conspersa licentia fuso Pag. 57.

Venditat, est genti, ceu notum est omnibus, aqua
Simplicitas morum, studium benè velle mereri,
Ut nihil effrani miscere paterna tumultu:

Vestibus, à primis manet una parentibus, orta
Integritas, rectumq; colit, priscisq; quiescit
Moribus, & Regum qua sunt mandata veretur:
Gens sanè ad dandum promptissima, cuius abuti
Interdùm videas alios, aliosq; benignā
Pralargāq; manu, claris cùm damma malumq;
Pro meritis præstant, odiumq; in præmia reddunt:
Et tamen eximiis superantq; valentq; Coloni
Divitiis: Argento equidem posseſſio prima
Constat, ut armatis res proxima venerit, indè
Frugibus est locus, ast villosis pellibus aurum
Redditur, ac reliquias sunt ultima lucra metallis.
His se terra bonis jam Scandia promovet, ut nil
Fortia facta canam, gens est asperrima bellis,
Armorumq; sagax, cui si fortasse quietem
Turbaris, minimè cessantem ad prælia cernes,
Nec detrac tantem rigido decernere ferro.
Succensis. Gens est Sueonum latissima magno
Imperio, cui sors vastos subtendere fines,
In boream, ac strictis subjectum aquilonibus orbem,
Ac proferre dedit: Cui quanquam macra ferendis
Frugibus arva putet, lices his Vestgothia nusquam
Muneribus careat, leta cùm messe redundant, Pag. 301.
Et segetem largo congestam cespite condat:
Ex aliis tamen omnis habet proventibus, unde
Magnificè se extulerit, populosq; mereri,
Et retinere potest, pecorum ditissima, ferro
Præcipuo, & nivei superat bonitate metalli,
Et supro, & diti maculose tergore lyncis.

Egre.

Egregḡ mores hominum, atq; affatibus ultrd
Humanis, largiq; manu, & virtute fidcq;
Hospitibus summa, & prompti communibus uti:
Mundities celebris, cultaq; industria vita:
Hi populis ritus, hac est natura. &c.

Pugnari quantum libeat, quantumq; valebit
Dania, non tamen efficiet quin Suecia Saræ
Libertatis amans, contra pugnaverit, & se
Vindicet, ac patrios gladio tueatur honores:
Non ea, non Suecicis est insita moribus aut vis,
Aut ratio, externis ut victa subesse Tyrannis,
Et parere velit: Libertas amula rotas
Exstimplat mentes, nusquamq; quiescere cogit.
Utq; alia, baud etiām que sunt perplurima dicantur.
Ipse gubernandi ratio est invisa, nec illam
Cūm Dani possent vicii tolerare, quid esse
Id mirum statuas, nequeat si Suecia ferre,
Quos tu lesa pati non posses Dania mores?
Prefectis etenim cūm res plerumq; gerantur
Externa, & Regum presentia rara colonis
Displiceat, quod Dynastis fortasse licere
Omnia iniqua sinant, qui spredo jure, bonorum
Exagitant vitas, miseris ludibria condunt,
Atq; facultates, quacumq; ex lege, modovè
Diripiunt, lacrymasq; gravant, & cæde dolores
Injustâ cumulant, moresq; libidine sternunt:
Quid te queso novi est, si libertati avita,
Emula turba, novas jam res molirier, & se
Afferere incipiat, libertatemq; tueri

Ex

cm 1
2
3
4
5
6
7
8
9
10
11
12
13
14
15


Et proferre velit? Priscis patiare moveri
Exemplis tete, diversa nec altera finge.
Idem animus Suecis semper fuit, & fuit idem
Semper amor patrie, & virtus non impigra, regno
Quæ decus, ac propriis munimina fortia rebus
Conciliant, non has mutabunt secula mentes,
Non fors asperior, non lœtæ forma iuente:
Semper erunt qui se pro libertate volebunt,
Qui sese externis opponant hostibus, arma
Pro patria sumant, mortemq; pacifcier ausint.

F I N I S.



Ex Bibliothecâ
quam 16000. Voll. constantem
huic Abbatiae S. Genovæ Paris.
Testamento legavit Car. Maurit.
LE TELLIER Archiep Remensis.

cm 1 2 3 4 5 6 7 8 9 10



cm

1

2

3

4

5

6

7

8

9

1

2

3

4

5

6

7

8

9

10


11


12

13

14

15





cm

1

2

3

4

5

6

7

8

9

1

2

3

4

5

6

7

8

9

10


11

12

13

14

15



cm
1
2
3
4
5
6
7
8
9
10
11
12
13
14
15

cm 1 2 3 4 5 6 7 8 9